

四庫全書

子部

欽定四庫全書

實賓錄卷四

宋 馬永易 撰

一絕

唐元和中韓公武為秘書郎曾挾彈中鶴一眼時謂之

一絕

二絕

三則

北齊楊子華善畫子冲善碁號為二絕

唐張從申書碑李陽冰多為之篆額時人稱為二絕



唐國子司業崔融文章獨步當時莫出其右時有左司郎中崔融宦婚絕倫為山東甲族時人謂之二絕

二賢

則二

晉王濬冲裴叔則二人總角詣鍾士季須臾去後客問鍾向二童是誰答曰裴王客曰何如鍾曰裴楷清通王戎簡要後二十年此二賢為尚書異爾時天下無滯才羊玄保為司徒右長史府公王弘甚知重之謂左長史庾登之吏部尚書王淮之曰卿二賢明美朗詣會悟多

通然弘懿之望故當共推羊也

二守

則二

魯僖公十二年齊侯使管夷吾平戎於王王以上卿之禮饗管仲管仲辭曰臣賤有司也有天子之二守國高在若節春秋來承王命何以禮焉陪臣敢辭受下卿之禮而還註云國子高子天子所命守為齊臣皆上卿也節時也

後漢任光邳彤贊曰任邳識幾嚴城解扉委佗還旅二

守焉依註二守為任光為信都太守邳彤為和城太守
時光武失軍而南還依任邳以成功

二伯

則二

漢新室王莽大司空甄豐子尋作符命言新室當分陝
立二伯以豐為右伯太傅平晏為左伯

漢冊魏公九錫文曰昔在周室畢公毛公入為卿佐周
召師保出為二伯

二少

梁謝覽初年二十餘意氣閒雅瞻視聰明武帝目送良久嘗侍坐受敕與侍中王暕為詩答贈其文甚工乃使重作復合旨帝賜詩曰雙文既後進二少實名家豈伊爾棟隆信乃俱國華

二庶

晉惠帝時張華被誅齊王欲復其官爵論者以為非溫羨駁之曰里克之殺二庶陳乞之立陽生漢朝之誅諸呂皆積年之後乃能立事未有事主見存而得行其志

於數月之內者也二庶謂晉獻公之子奚齊及卓子

二凶

則五

唐敬暉與桓彥範等誅二張也洛州長史薛季昶謂暉曰二凶雖除產祿猶在因請誅武三思之屬以安天下暉等不從季昶曰吾不知死所矣

唐太子建成元吉既誅議者以建成等左右百餘人並合從坐籍沒唯尉遲敬德執不聽曰為罪者二兇今已誅訖若更及支黨非取安之策由是獲免又建成贊曰

建成元吉實為二兇

唐杜牧李甘詩曰太和八九年訓注極魍虎潛身九地
底轉上青天去吾君不省覺二兇日威武操持北斗柄
開開天關路

唐舒元興李訓同知政事而深謀詭算熒惑主聽以致
甘露之變皆生於二兇也

唐張孝忠德宗於定州置義武軍以孝忠為義武軍節
度易定滄等州觀察等使及朱滔王武俊謀叛易定居

二兇之間四面受敵孝忠修浚溝壘感厲將士竟不受
二兇之惑議者多之

二莊

王少頭陀寺碑文曰周魯二莊親昭夜景之鑒漢晉兩
明並勒丹書之飾注云魯莊七年四月辛卯恒星不見
夜明佛生之日周莊與魯莊公同時漢明夢見神人身
有日光飛在前殿後得其形晉明亦好佛手畫形像

兩賢

後漢張奉字公先弟表字公儀兄弟少有高節立精舍
教授惡衣麤食州郡連徵不起天下稱張氏兩賢

兩哲

晉劉頌李重贊曰劉頌剛直義形於詞自下摩上彼實
有之李重清雅志廼無私推賢拔滯嘉言在茲懋哉兩
哲邦家之基

雙美

唐商仲容官至禮部郎中善真書尤精題額武后嘗詔

仲容題資聖寺額王知恭題清善寺額當時謂之雙美
雙廟

唐張迺許遠死節睢陽大中時并南齊雲圖像於凌煙
閣睢陽至今祀享號雙廟云

二五耦

魯莊公二十八年晉獻公驪姬欲立其子奚齊賂外嬖
梁五與東關嬖五晉人謂之二五耦

三絕

則三

唐鍾紹京位至中書令朝廷稱紹京有三絕建立功勳
一也忠鯁謇諤二也筆翰殊絕三也

唐何士參為進士團司尤善主張宴席與南院主事鄭
容中書門官張良佐同時號為長安三絕

唐僖宗幸蜀孫位魯於應天寺門左壁畫天王及部從
筆勢奇怪三十餘年無有敵者景煥與翰林學士歐陽
炯聯騎同遊茲寺偶畫右壁天王以對之炯觀其逸勢
因作歌以贈之僧夢龜善草書寫之於壁成都之人號

為應天三絕

三賢

則五

後漢徐穉豫章南昌人清妙高峙超世絕俗太守陳蕃請為功曹為設東面之座辭疾不赴及蕃為太尉桓帝問曰徐穉韋著袁閎三賢論德計行孰當為先蕃曰著生於三輔禮教之域閎出自公族少聞義方至於穉生於江南孤特寡援傑立角出由此言之穉當為先於是海內以為定論

王坦之有風格尤非時俗放蕩不敦儒教頗上刑名學
著廢莊論曰荀卿稱莊子蔽於天而不知人揚雄亦曰
莊周蕩而不法何晏亦云鶩莊體放玄虛而不周乎時
變三賢之言遠有當乎

北齊郎基初任瀛州騎兵時陳元康為司馬畢義雲為
屬與基並有聲譽為刺史元嶷所目曰三賢俱有當世
之才後來皆當遠至惟郎騎兵任真過甚恐不足自達
後陳畢並顯貴而基位止郡守

唐司空圖為三賢贊曰隋大業間房公魏公李公同師
文中子嘗謂人曰玄齡也志而密靖也惠而斷徵也直
而遂俾其遭時致力必濟謨庸厥後果然贊云三賢志
同列尚儒風

唐李華兄事元德秀而友蕭穎士劉迅作三賢論曰德
秀之志當以道紀天下迅當以六經諧人心穎士當以
中古易今世

三雄

漢蒯通叙傳曰蒯通一說三雄是敗覆酈驕韓田橫顛沛註三雄謂烹食其敗田橫驕韓信

三雋

後魏李瑾美容貌有才學為通直散騎侍郎與給事黃門侍郎王遵業尚書郎盧觀典修儀注王盧即瑾之外兄臨雖王謂瑾等為三雋共掌帝儀可為舅甥之國

三英

王藩并弟起炎史臣曰王氏三英藩起位崇將相善始

金史四庫全書 卷四
令終而炎薄有祜齡美鍾於鐸而能驤首矯翼凌厲亨
衢

三哲

漢陳湯叙傳曰陳湯誕節赦在三哲註云誕節放縱不拘也三哲謂劉向谷永耿育皆訟救湯也

三士

魯僖二十三年晉公子重耳及鄭文公不禮焉叔詹諫曰臣聞天之所啟人弗及也晉公子有三士足以上人

而從之晉鄭同儕其過子弟固將禮焉况天之所啟乎
三士謂狐偃趙衰賈佗

三征

魏嘉平四年孫權死議欲伐吳三征獻策各不同註三
征謂征南大將軍王昶征東將軍胡遵鎮南將軍毋丘
儉皆表請征吳而其計異

三方

漢末曹操為魏公孫權據吳劉備據蜀號三國辯亡論

謂之三方

三強

魯成公十六年晉楚遇於鄢陵卻至欲戰范文子曰吾先君之亟戰也有故秦狄齊楚皆強不盡力子孫將弱今三強服矣敵楚而已惟聖人能內外無患自非聖人外寧必有內憂蓋釋楚以為外懼乎註曰三強齊秦狄也

三宰

唐高宗時武昭儀有寵上欲立為后畏宰相議未有以發李義府率先上表請廢后立昭儀許敬宗於立后有助因連后謀逐褚遂良殺長孫無忌傳游藝上書詭說符瑞勸后革姓以明受命贊謂三宰嘯咄叱雞奪晨云

三獨夫

漢元帝初蕭望之周堪劉向同心輔政外戚許史宦官恭顯譖罷之其春地震上感悟下詔賜望之爵關內侯徵堪向欲以為諫議大夫冬地復震時恭顯許史皆側

目於望之等向懼焉乃使其外親上變事曰臣聞春秋地震為在位執政太盛也不為三獨夫動亦以明矣註云獨夫猶言匹夫謂望之堪向也

京師三穢

唐王怡為御史中丞人皆惡之號為憲臺之穢吏部侍郎姜晦為銓衡之穢黃門侍郎崔泰為門下之穢時號京師三穢

三克

唐段文昌為平淮西碑云長淮右地連山四起控振吳
楚密邇輟輳二姓三克憑阻作孽二姓謂李吳三克謂
希烈少誠元濟

四絕

唐顏真卿善真行書寫魯山令元德秀墓碑李華文李
陽冰篆額後人爭打其本號為四絕

四賢

則二

伊尹有莘之媵臣而阿衡於商太公渭濱之賤老而尚

父於周百里奚在虞而虞亡在秦而秦霸非不才於虞而才於秦也張良受黃石之符誦三略之說以游於羣雄其言也如以水投石莫之受也及遭漢祖也其言也如以石投水莫之逆也非張良之拙說於陳項而巧言於沛公也故彼四賢者名載於圖錄事應乎天人

唐王維為濟上四賢詠三首詠崔錄事曰解印歸田里賢哉此丈夫少年曾任俠晚節更為儒遁世東山下因家滄海隅已聞能狎鳥余欲共乘桴詠成文學曰寶劍千金

裴登君白玉堂身為平原客家有邯鄲倡使氣公卿坐
論心遊俠場中年不得志謝病客游梁詠鄭霍二山人
曰翩翩繁華子多出金張門幸有先人業早蒙明主恩
童年且未學肉食驚華軒豈乏中林士無人薦至尊鄭
公老泉石霍子安丘樊賣藥不二價著書盈萬言息陰
無惡木飲水必清源吾賤不及議斯人竟誰論

按鄭霍二山人

河嶽英靈集文

苑英華並作崔鄭二山人今姑仍其舊
而附記於此又斯人覺誰論覺字乃竟字之誤今改正

四傑

唐王勃楊炯盧照隣駱賓王皆以文章齊名天下之士
稱王楊盧駱號四傑炯嘗曰吾愧在盧前恥居王後議
者謂然

四聰

則二

魏諸葛誕為尚書與夏侯玄鄧颺等相善收名朝廷誕
等當世俊士共相題表以玄疇四人為四聰

隋初有趙桓者與清河崔注以秀才擢第時號四聰桓
即高僧法護之父也

四君

賈誼過秦論曰此四君者皆明智而忠信寬厚而愛人尊賢而重士四君為魏無忌趙勝田文黃歇云

四豪

晉石崇王濟楊琇何曾時謂四豪

按晉書有羊琇無楊琇楊恐是羊字

誤之

四叔

重該修熙少昊四叔也實能金木及水使重為勾芒該

金史四庫全書
為蓐收修及熙為玄冥世不失職遂濟窮桑

四公

後漢謝弼上封事曰台宰重器國命所繫今之四公
惟司空劉寵斷斷守善餘皆素飭致寇之人必有
折足覆餗之凶宜加罷黜註云四公謂劉矩為太
尉許訓為司徒胡廣為太傅及劉寵也

四尉

漢長安有四尉晉洛陽有六尉隋改縣尉為縣正又為

書佐新唐書百官志註云唐武德元年改書佐曰縣尉
尋改曰正畿縣上縣正皆四人七年改縣正復曰尉然
唐六典載長安萬年河南洛陽奉先太原晉陽七縣尉
各六人京兆河南太原諸畿縣及諸州上縣尉各二人
而已新舊唐書皆從之新書自與註文矛盾不能定於
一也按李太白作漂陽瀨水貞義女碑云縣尉廣平宋
陟丹陽李濟南朝陳然清河張昭皆有卿才霸略同事
相協又虞城縣令李公去思頌碑亦云縣尉李向趙濟

盧榮等同德比義好謀而成以此二碑推之則上縣不

止兩尉明矣

按此則係論官制與實錄本書似不相涉今姑因大典所錄而附存於此

四凶

則二

齊崔思祖有志尚州辟主簿與劉懷珍祭於堯廟廟有
蘓侯像懷珍曰堯聖人而與雜神為列欲去之何如思
祖曰蘓峻今日可謂四凶之五懷珍因令雜神盡除

唐陸贄論赦書狀曰今重圍雖解逋寇尚存裂土假王

者四凶滔天僭帝者二豎

按四凶名目始於左傳似不應錄此遺彼

四罪人

隋文帝平陳以孔範王瑳王儀沈璿奸佞諂惑並暴其過惡名為四罪人流之遠方以謝吳越之人

五賢

晉叔向曰文公生十七年有士五人註五人謂狐偃趙衰顓頊魏武子司空季子五士從出西晉劉琨臨終為五言詩贈其別駕盧諶曰重耳憑五賢

五宗

漢孝景皇帝子凡十三人為王而母五人同母為宗親
作五宗世家五宗謂栗姬賈夫人唐姬王夫人又王皇
后生孝武皇帝王夫人即王皇后之妹也又後漢明帝
賜馬融以太史公五宗外戚世家

案前漢司馬遷傳五宗世家第二十九類

師古注曰景帝子凡十三人為王而母五人
所生遂謂同母者為一宗故云五宗也

五邪 五偉

後漢論桓帝曰誅梁冀奮威怒天下猶企其休息而五
邪嗣虐流行四方註云五邪謂宦者單超徐璜左綰

唐衡具瑗也又贊云政移五倖刑淫三獄云

五倖人

隋晉王廣伐陳入建康以施文慶受委不忠曲為諂佞以蔽耳目沈客卿重賦厚斂以悅其上與太常丞陽惠朗刑法濫徐哲尚書都令史暨惠景皆為民害斬於石闕以謝三吳謂之陳五倖人

五陵

晉傅季友為宋公至洛陽謁五陵表註云北邙西南晉

金史卷之二十一
文帝崇陵陵西武帝峻陽陵邙之東北宣帝高原陵景
帝峻平陵邙之南則惠帝陵

六絕

李邕文章書翰正直辭辯義烈英邁皆為時之傑人之
藝術多不兼稱王逸少以書掩其文李淳風以術掩其
學公之藝術六絕古今罕儔

六代

則二

魏曹元首論封建之利著六代之論謂夏商周秦漢魏

為六代云

唐文中子曰甚矣王道之難行也吾家銅川府君之述
曰興衰要論七篇其言六代之得失明矣註云六代晉
宋後魏北齊後周隋也

六朝

吳晉宋齊梁陳六代都建業世號六朝

六家

漢律歷志序傳曰官失學微六家分乖一彼一此庶研

其幾註云六家謂黃帝高陽夏商周魯歷也

六齊

漢鄒陽奏書吳王濞曰六齊望於惠后注高后割濟南郡為呂王台奉邑又割瑯琊郡封營陵侯劉澤為瑯琊王文帝乃立齊悼惠王六子為王言六齊不保今日之恩而追怨惠帝與呂后也一說惠帝二年悼惠王入朝呂后欲鴆殺之獻城陽郡尊魯元公主得免六子以此怨之

欽定四庫全書

實賓錄卷五

宋 馬永易 撰

七國

漢興孝文施大德天下懷安至孝景不復憂異姓而晁錯刻削諸侯遂使七國俱起合從而西鄉以諸侯太盛而錯為之不以漸也七國謂吳王濞楚王戊趙王遂膠西王卬濟南王辟光菑川王賢膠東王雄渠

七貴

潘安仁西征賦曰窺七貴於漢庭疇一姓之或在註云
七貴謂呂霍上官趙丁傅王也

八神 八翌 八英 八力

帝嚳之妃鄒屠氏之女帝納以為妃妃常夢吞日則生
一子凡經八夢而生八子世謂為八神亦謂八翌翌明
也亦謂八英亦謂八力言其神力英明翌成萬象

八凱

唐張說為隴右節度大使郭知運神道碑曰郭氏亭之

玄孫友友之孫武威太守憲憲之猶子散騎常侍芝俱
有名迹見於魏晉爾乃一門連譽時人號曰三儒四海
齊名天下謂之八凱

謹案八元八愷事見左傳非創自燕公文集疑實賓錄原本係兩書

並載而大典互有去留故詳畧失宜今亦不敢意為增入姑附識考訂於此

八虞

晉胥臣曰昔文王之即位也詢于八虞而諮于二號唐
於閔天而謀於南宮諏於蔡原而訪於辛尹重之以周
召畢榮億寧百神而柔和萬民註云八虞謂之八士

八世

後漢崔寔政論曰今既不能純法八世故當參以霸政
註云八世謂三皇五帝也陸士衡辨亡論云講八代之
禮註謂三皇五帝云

八俊

後漢黨錮傳以李膺荀昱杜密王暢劉祐魏朗趙典朱
寓為八俊俊者言人之英也八俊錄云少傳潁川襄城

李膺字元禮

天下模楷
李元禮

司空山陽高平王暢字叔茂

天下

英秀王叔茂

太僕潁川陽城杜密字周甫

天下良輔

司隸校

尉沛國朱寓字季陵

天下水凌

尚書會稽上虞魏朗字

少英

天下忠貞

沛國潁陰荀翌字伯條

天下好文

大司

農博陵安平劉祐字伯祖

天下稽古

太常蜀郡成都趙

典字仲經

天下才英

至朱並又告以張儉檀彬褚鳳張

肅薛蘭馮禧魏玄徐乾為八俊

八顧

後漢黨錮傳以郭林宗宗慈巴肅夏馥范滂尹勲蔡衍

羊陟為八顧顧者言能以德行引人也三君八俊錄云

有道太原介休郭泰字林宗

天下和雍
郭林宗

太常陳留圉夏

馥字子治

天下慕侍
夏子治

尚書令河南鞏尹勲字元伯

天下
英藩

尹元伯

河南尹太山平陽羊陟字嗣祖

天下清苦
羊嗣祖

議郎東

郡陽平劉儒字叔林

天下寶金
劉叔林

冀州刺史陳國項蔡衍

字孟喜

天下雅志
蔡孟喜

潁川太守渤海東城巴肅字恭祖

天下

卧虎巴
恭祖

議郎南陽安衆宗慈字孝初

天下通儒
宗孝初

至朱並

又告以田林張隱劉表薛郁王訪劉祗宣靖公緒恭為

八顧劉表傳又謂之八交云

八及

後漢黨錮傳以張儉岑晁劉表陳翔孔昱范康檀敷翟

超為八及及者言能導人追宗者也三君八俊錄云御

史中丞汝南召陵陳翔字子鱗

海內貴珍
陳子鱗

衛尉山陽高

平張儉字元節

海內忠烈
張元節

太尉掾汝南細陽范滂字孟

博

海內謇諤
范孟博

蒙令山陽高平檀敷字文有

海內通士
檀文有洛

陽令魯國孔昱字世元

海內才珍
孔世元

太山太守渤海重合

范康字仲真

海內彬彬
范仲真

太尉掾南陽棘陽岑晁字公孝

海內珍好
岑公孝

鎮南將軍荊州牧武城侯山陽高平劉表字

景升

海內所稱
劉景升

至朱竝又告以朱楷田盤踈耽薛敦宋

布唐龍羸咨宣褒為八及

八廚

後漢黨錮傳以度尚張邈王考劉儒胡毋班秦周蕃嚮

王商為八廚廚者言能以財救人者也

名士錄云八人
並輕財赴義振

濟人急世
謂八廚

三君八俊錄云少府東萊曲城王商字伯義

海內賢智
王伯義

郎中魯國蕃嚮字嘉景

海內脩整
蕃嘉景

北海相

陳留已吾秦周字平王

海內貞良
秦平王

侍御史太山奉高胡

母班字季皮

海內珍奇
胡母季皮

太尉掾潁川陰劉翊字子相

海內

輝光劉
子相

冀州刺史東平壽張王考字文祖

海內依怙
王文祖

陳

留相東平壽張邈字孟卓

海內嚴恪
張孟卓

荊州刺史山陽

湖陸度尚字博平

海內清明
度博平

皆傾財竭已解釋怨結拯

救危急謂之八廚

按八俊八顧八及八廚事見後漢書
黨錮傳及陶潛羣輔錄今實賓錄既

存八顧八廚不應獨遺八俊
八及名目謹據二書補鈔

八慈

後漢荀淑有子八人儉緄靖燾汪爽肅專並有名稱皆以慈為字事見八龍事中贊曰二方承則八慈繼塵二方謂陳元方季方

八學士

唐陳子昂為昭夷子趙氏碣云昭夷諱元本居河間世為大儒至祖挾尤博雅明道隋徵八學士與同郡劉焯俱至京師補黎陽郡長

八仙

五代南唐保大中有翰林學士八員游間言陽悅江文蔚李夷業朱筆常夢錫王仲連張義方謂之八仙

九師

漢淮南王安聘明易者九人撰道訓二十篇號九師易王通曰九師興而易道微

九工

宋王融策文曰九工開于黃序庶績其凝註云黃帝將

興有瑞雲故以雲為官名有五又有同德者四人以五合四為九官也黃序則黃帝也

九侯

漢李尋說大司馬曲陽侯王根曰將軍一門九侯二十
朱輪漢興已來臣子貴盛未嘗至此

十一公

漢新室既篡位按金匱輔臣皆封拜以太傅左輔驃騎
將軍安陽侯王舜為太師封安新公大司徒就德侯平

晏為太傅就新公少阿義和京兆尹紅休侯劉歆為國
師嘉新公廣漢梓潼哀章為國將美新公是為四輔位
上公太保後承承陽侯甄邯為大司馬承新公丕進侯
王尋為大司徒章新公步兵將軍成都侯王邑為大司
空隆新公是為三公大阿右拂大司空衛將軍廣陽侯
甄豐為更始將軍廣新公京兆王興為衛將軍奉新公
輕車將軍成武侯孫建為立國將軍成新公京兆王盛
為前將軍崇新公是為四將凡十一公王興者故城門

金史卷五
令史王盛者賣餅莽按符命求得此姓名十餘人兩人容貌應卜相徑從布衣登用以視神焉餘皆拜為郎

十二子

荀子非十二子它器魏牟陳仲史鮑墨翟宋鉞慎到田駢惠施鄧析子思孟軻十二子說息則天下之害除聖人之迹著矣

十八賢

晉沙門惠遠於廬山集一時名士劉遺民等十八人會

於般若臺精舍阿彌陀像前立誓同修淨行俱為佛國之遊時號十八賢

十九侯

後漢官者孫程等立濟陰王是為順帝遂封程為浮陽侯王康為華容侯王國為酈侯黃龍為湘南侯彭愷為西平昌侯孟叔為中廬侯李建為復陽侯王成為廣宗侯張賢為祝阿侯史汎為臨沮侯馬國為廣平侯王道為范縣侯李元為褒信侯楊佗為山都侯陳予為下雋

侯趙封為析縣侯李剛為枝江侯魏猛為夷陵侯苗光為東阿侯是為十九侯

二十賢

唐皮日休請韓文公配饗書曰國家以二十賢者代用其書垂于國胄並配饗于孔聖廟堂二十賢謂丘明卜子夏公羊高穀梁赤伏勝高堂生戴聖毛萇孔安國劉向范甯杜子春馬融盧植鄭康成服虔何休王肅王弼杜元凱唐儒學傳加鄭衆凡二十一人

二十四賢

魏文帝初為丞相魏王所旌表後漢太尉杜喬等號二

十四賢後明帝乃述撰其狀

按魏文所旌表杜喬張奐向詡陳蕃施延李膺朱寓

杜密韓融荀爽房植姜肱陳球王暢申屠蟠張儉鄭玄冉玆李固郭泰朱穆魏朗徐穉皇甫規共二十四人見

陶潛羣輔錄今備載以補實賓錄之闕

六傑 四元

五代後蜀後主嘗臨軒謂侍臣曰漢高帝以三傑定海
內朕今得趙李良趙廷隱張業李昊張虔劉孫漢韶是

六傑也虞舜舉八元而天下治朕有王處回母昭裔張公鐸范仁恕是四元也宜令御容院圖形宣付史館左右皆稱萬歲

三王五侯

晉陸機漢功臣留侯頌曰運籌固陵定策東襲三王從風五侯允集霸楚實喪皇漢凱入註云高祖追項羽戰不利壁固陵諸侯不至良說高祖率韓信彭越黥布三王會垓下羽既死黃翳楊喜呂馬童呂勝楊武等五人

各得其一體帝封五人為列侯五侯允集也李善謂五侯漢劫五諸侯兵東伐楚

五王一侯

唐張說為大衍厯序曰今上欽崇天道慎徽月令詔沙門一行上本軒頊夏商周魯五王一侯之貴式下集太初至于麟德二十三家之衆議比其同異課其踈密或前疑而後定始會而終乖振古未探之象必發揮于神算大鈞不測之氣盡縷陳于天聽

五經紛綸

後漢井丹字大春少受業太學通五經善談論故京師
為之語曰五經紛綸井大春

五經復興

後漢魯丕字叔陵深沉好學孳孳不倦兼通五經拜趙
相門生就學者常有百餘人關東號之曰五經復興魯
叔陵

五經指南

王元感年雖老讀書不廢夜所撰書糾繆春秋振滯禮
繩愆等凡數十百篇上之魏知古見其書嘆曰五經指
南也下詔褒美以為儒宗

五經笥

則二

後漢邊韶字孝先以文學知名教授數百人韶口辨曾
晝日假卧弟子私嘲之曰邊孝先腹便便懶讀書但欲
眠韶聞之應時對曰邊為姓孝先字腹便便五經笥但
欲眠思經事師而可嘲出何典記嘲者大慙

梁任昉字彥昇任秘書監自齊元永以來祕閣四部篇
卷紛雜手自讎校由是第目定焉時稱五經笥

任氏經苑

後漢任末學無常師每言人而不學則無以成臨終誠
曰夫人好學雖死若存不學者雖存謂之行尸走肉爾
河洛秘奧非典籍所載皆註記於柱壁及園林樹木慕
學者來趣寫之時人謂任氏為經苑

易聖

則二

唐衛大經卓然高行口無二言尤邃於易人謂之易聖
豫筮死日鑿墓自為誌如其言終

唐昭宗時有董賀者以卜筮為業凶吉必效時人謂之
易聖

詩宗

漢博士江公世為魯詩宗後漢卓茂傳註云江生魯人

江翁也昭帝時為博士詩宗

原註儒林
傳稱宣帝

漢聖

沛國劉顯子臻博覽經籍精兩漢書時人稱為漢聖性好啖蜆以音同父諱呼為扁螺

學直

唐裴耀卿數歲能屬文擢童子舉稍遷秘書正字相王府典籤與掾丘悅文學韋利更直備顧問府中號學直書窟

孟景翼字輔明寬裕弘雅少眠嗜學手不釋卷博總文義行輒載書隨所坐之處不過膝四面卷軸盈滿時人

謂之書窟

幕府書廚

五代朱遵度博學好著書客梁宋二十年公卿多與之
游契丹耶律德光聞其名使晉高祖召之遵度懼挈其
妻孥携書雜商賈奔楚王待之甚薄杜門却掃諸學士
每為文章先問古今首末於遵度時人號為幕府書廚
司禮庫

唐李涪以開元禮及第涪多文而好著述朝廷重其博

學禮樂之事多咨訪之時人號為司禮庫蓋尤精於舊典也

柳篋子

唐柳璨遷左拾遺公卿大臣託為牋奏時譽日洽以其博奧號柳篋子

文陣雄帥

唐張九齡嘗覽蘇廷碩文卷謂同列曰蘇生之才俊瞻無敵真文陣雄帥也

大手筆

三則

晉王珣孝武時為左僕射珣夢人以大筆如椽與之既覺語人曰此當有大手筆事俄而帝崩哀冊謚議皆珣所草

唐蘇頲封許國公自景龍後與燕國公張說以文章顯稱位望畧等故時號燕許大手筆

五代前蜀馮涓大夫恃其學富所為輕薄然清苦直諫比風箴規章奏悉寓教化所著文章迥超羣品諸儒稱

之為大手筆

詩史

唐杜子美為詩善陳時事律切精深至千言不少哀時號詩史

詩仙 詩魔

唐白居易與元稹論文曰今年春遊城南與足下馬上相戲因各誦新艷小律不雜他篇迭吟遞唱不絕聲者二十里餘樊李在傍無所措口知我者以為詩仙不知

我者以為詩魔何則勞心慮役聲氣連朝接夕不自知

其苦非魔而何

按上云詩仙詩魔似不應祇錄詩魔一段今據舊唐書補入

偶同人

當美景或花時宴罷或月夜酒酣一咏一吟不覺老之
將至雖驂鸞鶴遊蓬瀛者之樂無以加於此也又非仙
而何

五言長城

唐秦系與劉長卿善以詩相贈荅權德輿曰長卿自以
為五言長城系用偏師攻之雖老益壯

三十六體

唐李商隱博學強記下筆不能自休與太原溫庭筠南
郡段成式齊名時號三十六體文思清麗視庭筠過之而
俱無特操恃才詭激為當塗者所薄名宦不進坎壈終
身

一字師

五代僧齊己善於風雅鄭谷任袁州齊己一日携所為
詩往謁之中有早梅云前村深雪裏昨夜數枝開谷笑

曰數枝非早也未若一枝為佳齊已躍然叩地設拜稱
為一字師

許洞庭

唐咸通十二年禮部侍郎高湜知貢舉榜內孤貧者許
崇有洞庭詩尤工時人謂之許洞庭

劉仙掌

五代劉象郎中詠仙掌得名時號劉仙掌其詩曰萬古
亭亭倚碧霄不成奇刻不成招何如掬取蓮花水洒向

人間救旱苗

夏江城 劉夜坐

五代南唐夏寶松少孤貧好學與詩人劉洞為唱和儔
侶頗有贈答時百勝軍節度使陳德誠鎮南康善吟諷
寶松聞之遂往焉大為德誠所厚遇因以詩紀之云建
水舊聞劉夜坐螺川新有夏江城以劉洞有夜坐詩為
時所尚寶松有宿江城詩云鴈飛南浦砧初動月滿西
樓酒半醒又云曉來羸駟依前去雨後遙山數點青由

是聲價百倍遠聞他郡

小聖

宋王僧虔以為右軍書江左中朝莫有及者獻之骨
遠不及父而媚趣過之小真書窮微入聖筋骨緊密不
減於父後人謂之小聖

得筋得肉

漢張芝字伯英善草書論者謂衛瓘得伯英筋索靖得
伯英肉

草賢

後漢崔瑗字子玉安平人曾祖蒙父駟子玉官至濟北
相文章蓋世善章草書師於杜度媚趣過之點畫精微
神變無礙利金百鍊美玉天姿可謂冰寒於水也袁昂
云如危峰阻石孤松一枝王隱謂之草賢

神品妙品

魏鍾繇精思學書意外巧妙正書入神品子會正書入
妙品唐李嗣真云吾家有小鍾正書洛神賦河南長孫

氏雅所珍重用獻之草書數紙易之

楊風子

五代梁楊凝式善行草書官至左僕射而西洛寺觀三百餘處題幾遍時人以其狂縱以風子呼之

畫聖

北齊楊子華世祖時任直閣將軍常畫馬於壁間蹄啮長鳴如索水草聲圖龍於素舒卷之輒雲氣縈集帝重之天下號為畫聖

畫師

唐閻立本善畫初太宗與侍臣泛舟春苑池中有異鳥容與波上上詔坐者賦詩而召立本侔狀閣外傳命呼畫師閻立本是時立本已為主爵郎中俯伏池左研吮丹粉望坐者羞悵流汗歸戒其子曰吾少讀書文辭不減儕輩今獨以畫見名與厮役等汝曹毋習然性所好雖被訾屈亦不能罷也

碁聖

晉阮蘭為開封令縣側有劫賊外白甚急數蘭方圍碁
長嘯吏曰劫急蘭曰局上有劫亦甚急其耽樂如是語


林曰王中郎以圍碁為坐隱或謂之手談又謂碁聖

按抱

朴子云善圍碁之無敵者則謂之碁聖故嚴子卿馬綏
明於今有碁聖之名焉碁聖二字似當時於此書也

圍碁州都大中正

宋明帝好圍碁置圍碁州邑以建安王休仁為圍碁州
都大中正王湛沈勃庾珪之王抗四人為小中正褚思
莊傳楚之為清定訪問



欽定四庫全書

子部

實賓錄卷八

六至

詳校官中書臣李彤

侍讀臣孫球覆勘

膳錄監生臣陳祁

膳錄貢生臣王兆泰

欽定四庫全書

實賓錄卷六

宋 馬永易 撰

神父

三則

漢鮑德修志節有名稱累官為南陽太守時歲多荒災
唯南陽豐穰吏人悅愛號曰神父

漢宋登少傳歐陽尚書教授數千人為汝陰令政為明
能號稱神父

陳弇為蘄長時一州旱蝗弇請雨即大降蝗即出境一

縣遍熟號曰神父

慈父

則二

後魏宗室字為冀州刺史勸課農桑境內稱為慈父
李哲任相州安陽縣令政術有方百姓號稱慈父

賈父

則二

後漢賈琮為交趾太守叛民蕩定百姓以安巷路為歌
曰賈父來晚使我先反今見清平吏不敢飯

後漢賈彪為新息長小民困貧多不養子彪嚴為其制

與殺人同罪數年間養子者十數僉曰賈父所生長男
名為賈子生女名為賈女

杜父

晉杜預守荊州修召信臣遺跡激用滢洧諸水以浸原
田萬餘頃分疆刊石使有定分公私同利衆庶賴之號
曰杜父

柳父

柳鎮少樂閒靜不慕榮貴天監中自司州遊上元愛其

風景于鐘山之西買地結茅開泉種植隱操如耕父其左右居民皆呼為柳父

巢父

巢父堯時隱人嘗山居不營世利年老以樹為巢而寢其上故時人號為巢父晉王康倨招隱詩曰昔在太平時亦有巢居子或言即許由也

家公 家父

顏之推家訓云昔侯霸之子孫稱其祖父曰家公陳思

王稱其父曰家父母為家母潘尼稱其祖曰家祖古人之所行今人之所笑也今南北風俗言其祖及二親無云家者田里猥人方有此言之推北齊人逮今幾七百年稱家祖者復紛紛皆是名家望族亦所不免家父之稱俗輩亦多有之但家公家母之名少耳山簡謂年幾三十不為家公所知蓋指其父非祖也

賀兄

唐陸象先賀知章族姑子也象先嘗謂人曰賀兄言論

調態可謂風流之士吾與子弟離濶都不思人一日不見賀兄則鄙恡生矣

二兄

二則

唐高力士事玄宗最親寵肅宗在東宮以兄事力士呼為二兄

唐段成式與張希復善繼鄭符復夢遊精舍共徵高力

士事力士呼二兄

柯

呼阿翁

繼

呼將軍

柯

寧哥

唐寧王憲睿宗長子睿宗將建東宮以憲嫡長而玄宗時為楚王有大功故久不定憲固辭乃立楚王為皇太子玄宗友悌古無有者至呼憲為寧哥云

邠哥

唐邠王守禮章懷太子之子也每與諸王內讌方積陰累日守禮知其欲晴憊陽涉旬守禮曰即雨果連雨岐王等奏之曰邠哥有術守禮曰臣無術也則天時以章懷遷謫臣幽閉宮中十餘年每歲被勅杖數頓癡痕甚

厚欲雨臣背上即沉悶欲晴則輕健臣以此知之非有術也涕泗沾襟玄宗亦憫然

奇兒

後唐莊宗克用長子也初克用破孟方立於邢州還軍上黨置酒三垂崗伶人奏百年歌至於衰老之際聲甚悲坐上皆悽愴克用慨然捋鬚指而笑曰吾行老矣此奇兒也後二十年其能代我戰于此乎莊宗年十一從克用破王行瑜遣獻捷于京師昭宗異其狀貌賜以鵷

鵝卮翡翠盤而撫其背曰兒有奇表無忘予家克用卒
梁夾城兵聞晉有大喪因頗懈莊宗欲乘急擊之乃出
兵趨上黨行至三垂崗嘆曰此先王置酒處集攻夾城
破之梁軍大敗凱旋告廟

祿兒

唐明皇每座及宴會必令安祿山坐於御側以金鷄障
隔之太真又以為子上亦呼為祿兒

癡兒

五代馬嗣孫為相不通世務時右散騎常侍孔昭序建言常侍班當在僕射前嗣孫責御史臺檢到臺言故事無所見據今南北班位常侍在前嗣孫即判狀施行崔居檢揚言於朝孔昭序解語是朝廷無解語人也且僕射司長百僚中丞大夫就班修敬而常侍在南宮六卿下沉僕射乎昭序癡兒豈識事體朝士聞居檢言流議稍息

買聲兒

後魏李謚神士賦歌曰周孔重儒教莊老貴無為二途
雖如異一是買聲兒

乳臭兒

則二

吳越杜建徽位宰相其孫昭達為內都監使盛治第宅
建徽曰乳臭兒不諳事其能久乎後昭達果以罪誅

唐莊宗命魏王繼岌伐蜀滅之以孟知祥節度西川莊
宗館知祥於宮中酒酣謂知祥曰吾輩老矣繼岌乳臭
兒今年代父破賊慰喜外復增悲爾

小兒王

陳釋智凱江表揚都人年幼童外雅重嘲謔引羣小兒數百人同戲街衢以為自得陳氏臺省門無衛禁凱乃率其戲侶在太極殿前號令而過朝宰江總等顧其約束銓叙駐步迎之相視笑曰此小兒王也

聖童

傅長通年十七禮易貫洞三十萬言兼通春秋鄉里號曰聖童

神童五則

魏胡康年十五以異才見送又陳損益求試劇縣詔特

引見衆論翕然號為神童

原註劉劭傳裴松之云魏朝不聞有胡康疑是孟康

魏任嘏幼以至性見稱年十四始學疑不再問三年中

誦五經皆究其義兼包羣言無不總覽於是學者號之

神童

原註海錄碎事魏任嘏先世皆早成人時語曰蔣氏翁仕氏童

晉杜育幼便岐嶷號曰神童

原註文士傳杜育童孺奇才博學能著文章心解性

達無所不綜一時稱為武陽杜孔子

晉封孚與弟懿總角知名時人謂之關東神童

唐楊收七歲善屬文所賦輒就時號神童里人多造門觀賦詩至壓敗其藩收嘲之曰爾非羸角者何用觸吾藩由是觀者益奇之

按此條原書脫時號神童四字今據唐書補正附神童類下

才童

朱敦字叔陽年十三誦書說詩號曰才童

原註語林高僧傳云朱敦

年十二能讀書詠詩時號曰才童

孝友童子

唐陳饒奴年十二歲親併亡寡弱居喪又歲饑或教其分弟妹可全性命饒奴流涕身丐訴相全養刺史李復異之給資儲表其門曰孝友童子

神仙童子

唐元嘉少聰俊左手畫圓右手畫方口誦經史目數羣羊兼成四十字詩一時而就足書五言一絕六事齊舉時號神仙童子

童子學士

梁宋懷少有天材好學不倦鄉里號稱童子學士

將種

晉武帝與胡貴嬪芳擣蒲爭矢遂傷上指帝怒曰此固將種也芳曰北伐公孫西拒諸葛非將種而何帝甚有慚色

李老

唐中宗朝御史大夫裴談妻悍妬談畏之如嚴君時韋庶人頗襲武后之風中宗漸畏之內宴牙唱迴波詞有

優人詞曰迴波爾時栲栳怕婦也是大好外邊祇是裴
談裏面無過李老韋后意色自得以束帛賜之

賀老

唐禪月鑒題李太白詩集云賀老成異物顛狂誰敢和

寧知江邊墳不是猶醉卧

按太白詩東山無賀老却棹酒船迴則稱賀知章為賀老

實始於
李白詩

王老

唐陳通方閩縣人貞元十年顧少連下進士及第年二

十五第四人年少名高輕薄自負與王璠同年王時年五十六通方薄其成事後時因期集拊王背曰王老王老奉贈一第言其日暮途遠及第同贈官也王曰擬應三篇通方又曰王老一之謂甚其可再乎王心每貯之通方尋值家艱還歸王果累捷高科官漸達矣通方入闕王已丞郎判鹽鐵通方窮悴寡助不知王素銜其言投之求救同年李虛中時為副使通方亦有詩扣之求為汲引云應念路旁憔悴翼昔年喬木幸同遷王不得

已署之江西院官赴職未及其所又改為浙東院僅及半程又改為南陵院嗣是往復數四困躓日甚退省其咎謂甥姪曰吾偶戲謔不知王生乃為深憾尋值王真拜禮分懸絕追謝無地悵望病終

長樂老

五代馮道為宰相視喪君亡國未嘗屑意是時天下大亂戎狄交侵生民之命急于倒掛道方自號為長樂老著書數百言陳己更事四姓及契丹所得階勲官爵

宗室遺老

漢劉向方成帝時上無繼嗣政由王氏出災異寢甚向
雅奇陳湯智謀與相親友獨謂湯曰災異如此而外家
日盛其漸必危劉氏吾幸同姓為宗室遺老歷事三主
吾而不言誰當言者遂上封事極諫

旱母

梁宗室蕭推歷淮南晉陵吳郡太守所臨必赤地大旱
人呼為旱母

暗燭底覓虱老母

唐舍人齊處冲好瞑目視左拾遺魏光乘目為暗燭底覓虱老母

蕭娘呂姥

梁韋叡拒魏軍於淮北魏人畏之言曰不畏蕭娘與呂姥但畏合肥有韋虎蕭娘謂臨江王宏呂姥謂呂僧珍韋虎謂韋叡也

李阿婆 王伯母 曹新婦

唐中書令李敬玄為元帥討吐蕃至樹敦城聞劉尚書
沒蕃著韉不得狼狽而走時將軍王果副總管曹懷舜
等驚退遺却麥飯首尾千里地上尺餘時軍中謠曰洮
河李阿婆鄯州王伯母見賊不能鬪總由曹新婦

陳姥

隋末杜伏威兵起煬帝遣右禦衛將軍陳稜以精兵討
之稜不敢戰伏威遣以婦人之服書稱陳姥

國婆

五代梁太祖徵時嘗傭力徐州蕭縣人劉崇家及即位召崇為商州刺史崇之母撫梁祖有恩梁祖號為國婆
五代南唐馮延巳好論兵事嘗笑其主昇戢兵以為齷齪無大略曰田舍翁安能成大事

田舍翁

多田翁

唐盧從愿為刑部尚書充考校使升退詳確御史中丞宇文融方用事將以括田戶功為上下考從愿不許融

恨之乃密白從愿盛植產占良田數百頃帝自此薄之
目為多田翁後欲用為相屢矣卒以是止

吳老翁

北齊神武語杜弼曰江東有一人吳老翁蕭衍專事衣
冠禮樂中原士大夫望之以為正朔所在

千歲翁

秦安期先生阜鄉人受老子於河上丈人常賣藥海邊
老而不仕時人謂之千歲翁

周郎

二則

吳周瑜少精意於音樂雖三爵之後其有闕誤瑜必知之知之必顧故時人謠曰曲有誤周郎顧

梁周弘正年十歲通老子周易十五召補國子生仍于國學講易諸生傳習其義以李春入學孟冬應舉有司以日淺不許博士劉洽曰周郎講經豈候策試

沈郎

吳沈友弱冠博學華歆行風俗見而異之因呼沈郎可

登車語乎友曰先生衛命將以裨補先王之教整齊風俗而輕脫威儀猶負薪救火無乃更崇其熾乎

符郎

晉符堅年七歲嘗戲於路徐統遇之執其手曰符郎此官之御街小兒敢戲於此不畏司隸縛耶堅曰司隸縛罪人不縛我小兒戲也

顧郎

梁顧協少清介有志操初為廷尉正冬服單薄寺卿蔡

法度欲解襦與之憚其清嚴不敢發口謂人曰我願解
身上襦與顧郎顧郎難衣食者竟不敢以遺之

陸郎 蕭郎

唐陸象先為洛陽尉蕭嵩未仕人不之異夏榮者善相

云陸郎十年內位極人臣然不及蕭郎一門盡貴

按新唐書

蕭嵩傳嵩娶會稽賀晦女與吳郡陸象先為僚壻夏榮者善相云陸郎十年內位極人臣然不及蕭郎一門盡貴官位高而有壽據此則蕭郎為蕭嵩非蕭瑀瑀初唐時人與象先時代甚遠今改正

石郎

五代晉高祖皇后後唐明宗女也廢帝立疑高祖必反
公主自太原入朝于春節辭歸留之不得廢帝醉語公
主曰爾歸何速欲與石郎叛邪既醒悔之後以反聞羣
臣請帝親征帝心憂懼常惡言高祖事每戒人曰爾毋
說石郎事令人心膽墮地

王四郎

唐王處士者洛陽尉王琚之孽姪四郎也幼隨母他適
琚赴調入京過天津橋四郎布衣草履形貌山野琚初

不之識四郎曰叔今赴選姪有少物奉獻即出金五兩
色如雞冠曰此不與常金等可訪金市張蓮子付之當
領二百千某比居王屋小有洞今將家往峨眉山珞往
訪之則已行矣金市果有蓮子出金示之驚喜曰此道
者王四郎所化金也且無定價因如其數酬之

王郎子

唐王仙客者建中中朝臣劉震之甥初仙客父亡與母
劉同歸外氏震有女曰無雙小仙客數歲皆幼稚戲弄

金史卷一百一十五
相狎震之妻常戲呼仙客為王郎子云

烏衣諸郎

宋王僧虔仕為御史中丞甲族由來多不居憲臺王氏
分枝居烏衣者官位微減僧虔為此官乃曰此是烏衣
諸郎坐處我亦可試為爾

孝孫

原慤者不知何許人祖年老父母厭患之意欲棄之慤
年十五泣涕苦諫父母不從乃作輿舁棄之慤乃隨收

輿歸父謂之曰爾焉用此凶具慤乃荅曰後父老不能更作得是以取之耳父感悟愧懼乃載祖歸侍養克已自責更成純孝慤為孝孫

四友

宋謝靈運與族弟惠連何長瑜荀雍羊璿之以文章賞會共為山澤游時人謂之四友

忘年友

五代後蜀趙崇祚以門第為列卿而儉素好士大理少

卿劉暉國子司業王昭圖年德俱長時號宿儒崇友之
為忘年友

小友

唐李泌方幼張九齡尤所獎愛常引至卧内九齡與嚴
挺之蕭誠善挺之惡誠佞勸九齡謝絕之九齡忽獨念
曰嚴大苦勁然蕭軟美可喜方命左右召蕭泌在旁率
爾曰公起布衣以直道至宰相而喜軟美者乎九齡改
容謝之因呼小友

良友

晉周顓初王敦舉兵劉隗勸帝盡除諸王氏司空導率
羣從詣闕請罪值顓將入導呼顓謂曰伯仁以百口累
卿顓直入不顧既見帝言導忠誠申救甚至帝納其言
敦欲誅顓問導導無言後科檢中書政事見顓表救已
殷勤歎至導執表流涕悲不自勝告諸子曰吾雖不殺
伯仁伯仁由我以死幽明之中負此良友

死友

則二

後漢范式字巨卿受業太學時諸生長沙陳平子亦同在學與式未相見而平子被病將亡謂其妻曰吾聞山陽范巨卿烈士也可以託死吾沒後但以屍埋巨卿戶前乃裂素為言以遺巨卿既終妻從其言式覩書見瘞愴然感之哭為死友於是護平妻子身送喪於臨湘魏初有白玠謗毀太祖太祖怒甚侍中和洽陳玠素行有本求案實其事罷朝太祖令曰今言事者白玠不但謗吾也乃復為崔琰缺望此損君臣恩義妄為死友怨

歎不可忍也

陳君友皓

後漢鍾皓以篤行稱陳寔年不及皓皓引與為友贊曰
陳君友皓云

古人交

吳潁川周昭著書稱諸葛瑾步丞相臨嚴衛尉峻三君
皆以布衣俱相友善卒無虧損豈非古人交哉

君子之交

則二

宋柳世隆幼孤挺然自立不與衆同當時名士張緒王延之相從推慕以為君子之交

齊孔稚珪早立名譽當時名士陸慧曉謝淪張融何點相與為君子之交

館客

後魏後主雖溺於羣小而頗好詠詩因畫屏風勅蕭放等錄古賢烈士及近代輕艷諸詩以充圖畫帝珍重之後復追蕭慤顏之推間入撰錄猶依霸朝謂之館客

談客

唐蕭穎士聰俊過人富詞學有名於時賈曾席豫韋述
張洎皆引為談客

風月主人

偽蜀歐陽彬為嘉州刺史喜曰青山綠水中為二千石
作詩飲酒為風月主人豈不佳哉

一鳴先輩

五代妓萊兒指趙光逢為一鳴先輩

負心門生

唐宦者楊復恭定策立昭宗以諸子為州刺史又養子
六百人監諸道軍天下威勢舉歸其門凶肆益甚帝命
誅之復恭出奔被殺李茂貞劾復恭自謂隋諸孤以恭
帝禪唐故名復恭兄子守亮為興元節度使復恭與守
亮書曰承天門者隋家舊業也兒但積粟訓兵何進奉
為吾披荆榛立太子既得位乃廢定策國老奈負心門
生何門生謂天子也其不臣類此

不利秀才

唐夏侯孜未遇伶俜風塵所跨蹇驢無故墜井及朝士之門或逆旅舍常多齟齬時人號曰不利秀才後登將相

五老榜

唐劉象攻律詩頗苦僻天復中年六十餘與曹松王希羽柯崇鄭希顏同年進士及第松希羽年七十餘崇希顏年逾耳順時號五老榜象止于右拾遺年七十九

武舉榜

五代蜀王先主起自利閬親騎軍皆拳勇之士四百人
分為十團皆執紫旗此徒各有曹號顧夔者將之亦嘗
典郡多雜談謔造武舉榜曰大順二年兵部侍郎李咤
咤下進士及第三十三人狀元張大劍馬癩子第二魏
慙第三姜癩子第四張打胃第五張少劍第六青蒿羹
第七云

欽定四庫全書

實賓錄卷七

宋 馬永易 撰

蒼頭公

宋沈慶之任建威將軍每患頭風好著狐皮帽羣蠻畏之號曰蒼頭公

尖頭奴

後魏古弼事太祖為尚書令帝獵於河西詔以肥馬給騎人弼命給弱者太武大怒曰尖頭奴敢裁量朕也朕

還先斬此奴屬官懼誅致曰吾為臣事君使田獵不過盤遊其罪小也不備不虞其罪大也今北狄孔熾南虜未滅故選肥馬備軍資為不虞之遠慮苟使國家有利寧避死乎帝聞而嘆曰有臣如此國之寶也賜衣一襲馬二疋鹿十頭

大頭仙人

中印渡在瞻波國西南山石澗中有阿修羅窟有人因遊山修道遇此窟入其中見有修羅宮殿如類天宮園

林之異不可盡述。修羅因告曰：汝能久住此否？答曰：欲還。修羅因施一桃食，訖告曰：汝宜急出，恐汝身大窟不能容。言訖，走出身忽增長，其頭纔出身，大孔塞遂不盡。出自爾已來，年向數百餘，唯有大頭如三石甕，人見共語，具說此緣。時人遂號大頭仙人。

白面少年

晉庾翼卒于荊州，翼臨終表以後任委息爰之于時論者，並以諸庾世在西藩，人情所歸，宜依翼所請以安物。

情何充曰不然荆楚國之西門得賢則中原可定勢弱則社稷同憂豈可以白面少年猥當此任哉桓溫英畧過人有文武識度西夏之任無出溫者議者又曰庾爰之肯避溫乎如令阻兵恥懼不淺充曰溫力能制之諸

君勿憂乃使溫西爰之果不敢爭

按世說小庾臨終自表以子園客為代註

園客爰之小字也字仲真翼第二子陶侃別傳亦曰庾翼表其子爰之代為荊州此書爰之訛作爰之今改正

羞面見人

齊司徒褚淵入朝以腰扇障日劉祥從側過曰作如此

舉止羞面見人扇障何益

一丈黑

唐楊守亮宦者楊復恭之養子長七尺姿色如鐵時人目云南山一丈黑

柴黑

五代吳柴再用沈毅有斷面色如鐵人望而畏之曰柴黑驍勇善騎仕吳有戰功

黃頷小兒

北齊崔陵有文學偉貌以簡貴自居神武薨後陵竊言
黃頴小兒堪當任重文襄知之絕陵朝謁陵要拜道左
文襄發怒曰黃頴何足拜也後以其勲舊捨之陵進謁
奉謝文襄復怒曰我雖無堪忝當大任被卿以為黃頴
小兒金石可消此言難滅

白眉

蜀馬良字季常襄陽人兄弟五人並有才名鄉里為之
語曰馬氏五常白眉最良良眉中有白毛故以稱之

朱深眼

五代南唐朱令贇大將朱業之從子少隨業征伐初為
小校拳捷善射軍中號為朱深眼以軍功累為神衛軍
都虞候

眇目老翁

魏左慈於天柱山石室中得九丹金經能變化萬狀後
入東吳吳有徐墮者亦道術之士居丹徒慈過之墮門
下有宿客車牛六七乘欺慈言徐公不在慈知宿客誑

已便即去宿客見牛在楊樹杪行適上樹則不知所在
下樹即復牛在樹上又車轂皆生荆棘長一二尺斫之
不斷推之不動也宿客大懼即報徐公說有一眇目老
翁吾欺之言公不在及去車牛如此徐曰此左慈也汝
曹那得欺之諸客分布逐慈叩頭謝之慈意解即遣去
此人還見車牛如故

大鼻

則二

晉王湛司徒渾弟也少有識度身長七尺八寸龍顏大

臯少言語初有隱德人莫知之兄弟宗族皆以為癡其父昶獨異焉

五代後唐劉景嚴昂藏巨臯時人目之為大臯歷四鎮官至使相云

臯王

後魏王惠龍晉尚書僕射愉之孫也崔浩弟恬聞惠龍王氏子以女妻之浩既婚姻及見惠龍曰信王家兒也王氏世臯臯江東謂之臯王惠龍臯漸大浩曰真貴種

矣

天口

齊田駢好談論言不可窮盡其口如天時人號曰天口

神口

後魏祖瑩有才學尚書令王肅曾於省中詠悲平城詩云悲平城驅馬入雲中陰山常晦雪荒松無罷風彭城王勰甚嘆其美欲使肅更詠乃失語云可更為誦悲彭城詩肅因戲勰云何意呼平城為彭城勰有慚色瑩在

坐卽云悲彭城王公自未見肅云可為誦之瑩應聲曰
悲彭城楚歌四面起屍積石梁亭血流睢陽裏肅甚嗟
賞之勰亦大悅退謂瑩曰卿定是神口今日若不得卿
幾為吳子所屈

虎口

三則

莊子云孔子既見盜跖謂柳下季曰疾走料虎頭編虎
鬚幾不免虎口哉

漢司馬遷報任安書曰李陵提步卒不滿五千深踐戎

馬之地足歷王庭垂餌虎口橫挑強胡仰億萬之師與單于連戰十有餘日所殺過當虜救死扶傷不給

後漢光烈陰皇后世祖詔曰吾微賤之時娶於陰氏因將兵征伐遂各別離幸得安全俱脫虎口

補唇先生

五代方干為人缺唇嘗應舉有司議以干雖有才而缺唇奏不第後歸鑑湖十餘年遇醫者補之年已老矣遂不復出時號補唇先生

白鬚公

後魏崔伯謙為南鉅鹿太守導以禮遜豪族皆改心整肅事無巨細必自親覽在縣有貧弱未理者皆曰我自
有白鬚公不慮不決在都七年獄無停囚

髭王

周靈王泄心簡王子也生而有髭謂之髭王

長頸王

毗騫國去扶南八千里傳其王身長丈二頭長三尺自

古不死莫知其年

瘰癧

後漢光武時真定王劉揚造作讖記云赤九之後瘰癧為主揚病瘰癧欲以惑衆與綿曼賊交通謀未發耿純誘殺之

麀頭鼠目

唐李揆字端卿初苗晉卿數薦元載揆輕載地寒謂晉卿曰龍鳳姿士不見用麀頭鼠目子乃求官耶載聞銜

之及秉政揆流落十六年載誅始拜禮部尚書

心狠面狠

晉宣子將以知瑤為後知果曰不如霄也宣子曰霄也狠對曰霄之狠在面瑤之狠在心心狠敗國面狠不害

肚中鑄劍

李林甫常以甘言如蜜朝中相謂曰李公雖面有笑容而肚中鑄劍也人日憎怨異口同音

楊大肚

北齊文宣帝雖以楊愔為宰輔使進廁籌以其體肥呼為楊大肚

辣手

陳彭年方咸平中更科場體式結怨士人時謂之辣手

新豐折臂翁

唐天寶徵兵討雲南戶有三丁點一丁新豐縣有人年二十四當赴兵役夜以大石鎚折臂遂免行時楊國忠為相重構閣羅鳳之難後募人討之前後發二十餘萬

衆去無返者又捉人連枷赴役天下怨哭民不聊生故
祿山得乘人心而盜天下元和初折臂翁猶存白樂天
因歌之云新豐老翁八十八頭鬢眉鬚皆似雪玄孫扶
向店前行左臂憑肩右臂折問翁臂折來幾年兼問致
折何因緣翁云貫屬新豐縣生逢聖代無征戰慣聽梨
園歌管聲不識旗槍與弓箭無何天寶大徵兵戶有三
丁點一丁點得驅將何處去五月萬里雲南行聞道雲
南有瀘水椒花落時瘴烟起大軍徒涉水如湯未過十

人二三死村南村北哭聲哀兒別爺娘夫別妻皆云前
後征蠻者千萬人行無一回是時翁年二十四兵部牒
中有名字夜深不敢使人知偷將大石鉗折臂張弓簸
旗俱不堪從茲始免征雲南骨碎筋傷非不苦且圖揀
退歸鄉土此臂折來六十年一肢雖廢一身全至今風
雨陰寒夜直到天明痛不眠痛不眠終不悔且喜老身今
獨在不然當時瀘水頭身死魂飛骨不收應作雲南望鄉
客萬人塚上哭呦呦

原註雲南有萬人塚即鮮于
仲通李宓曾覆軍之所也老人言

君聽取君不聞開元宰相宋開府不賞邊功防黷武

原註

開元初突厥數寇邊時天武軍牙將郝雲岑出使因引
特勒回鶻部落斬突厥默啜獻首于闕下自謂有不世
之功時宋璟為相以天子年少好武恐微功者生心
痛抑其黨逾年始授郎將雲岑遂慟哭嘔血而死也
又不聞天寶宰相楊國忠欲求恩幸立邊功邊功未立生
人怨請問新豐折臂翁

跛足先生

五代江南朱弼世籍為儒精究三傳旁貫數經為國子
助教知廬山學弼性嚴重動執禮法言語應答皆適經

術曉析詳明無所滯泥然短一足時諺謂之跛足先生

有脚陽春

唐宋璟檢校貝州刺史歷杭相二州遷洛州長史楚克
冀魏幽雍睦廣所至有惠政時號有脚陽春

木人石心

晉夏統會稽人隱居不仕後以母病詣洛市藥會三日
上已洛中王公以下並至浮橋士女駢填車服燭路統
時在曝藥諸貴人車乘來者如雲統不之顧太尉賈充

就船與語其應如響充欲耀以文武鹵簿覲其來觀遂
命建朱旗舉幡校分羽騎為隊軍伍肅然須臾鼓吹亂
作胡笳長鳴車乘紛錯縱橫馳道又使妓女服袿襍袂
金翠繞其船三匝統顏色如故若無所聞充等各散曰
此吳兒是木人石心也

玉而冠者

唐崔澹河中節度使璵之子也舉止秀峙時謂玉而冠
者

徐嗔

五代吳徐溫佐楊氏政舉大綱民皆安堵性儉約剛毅寡言望之凜然可畏雖大將莫敢仰視時人謂之徐嗔

柳顛

後魏柳遠性豪放無拘檢好彈琴耽酒每出行反家人或問消息答云無所聞縱聞亦不解時號柳顛

蕭啞

南齊宗室蕭坦之肥黑無鬚語聲嘶時人號蕭啞剛狠

專執羣小畏而憎之

鄧渴

唐弘道元年以中書舍人鄧元挺為尚書吏部侍郎元挺無藻鑑之目又患消渴人因號曰鄧渴

郭尖

後魏郭景尚祚子也涉歷書傳曉星厯占候為太尉從事中郎公強當世善事權寵號曰郭尖位至中書侍郎

王獨坐

漢王閔遷冀州刺史乘傳到州彈治貪濁性廉克不發私書不交豪族時號王獨坐

鮑不閏

五代吳越鮑君福餘姚人少羈貧性淳厚有膽勇餘姚有井面濶丈餘橫以雙梁深不可測君福每醉必寢其上及從軍以驍果聞累從征討有功能馬上輪雙劍望之若飛電沈默少語軍中謂之鮑不閏

畢不管

唐畢紹顏誠之子也為諫議大夫中書舍人遷江南尹
居官無政時號畢不管時盜四起乃詐病乞免朝廷亦
不能加罪

王惹鬧

五代南唐王建封為信州節度使同平章事建封不識
大體求中書政事嗣主曰卿乃使相安可亂常偕於台
輔汝無惹鬧自是人皆號為王惹鬧

張百會

唐有儒士博覽古今時人呼為張百會一日來謁洛京
南院和尚師曰莫是張百會麼曰不敢師以手空畫一
畫會麼曰不會師曰一尚不會什麼處得百會來

崔四入

唐崔胤凡四拜宰相權震天下世號為崔四入

溫八吟

唐溫庭筠敏於為文未嘗起草燈燭下籠袖憑几每賦
一韻一吟而已故場中號為溫八吟

張萬言

唐張涉初依國學為諸生講說稍遷國子博士亦能為
文常詣有司日試萬言時呼張萬言

三不開

五代唐馬裔孫純儒性多凝滯遽登相位堂判有援據
二字中書百職素未嘗諳練臨事多不能決但書名而
已又少見賓客時人號為三不開謂其不開口論議不
開印行事不開門延士大夫也

三不肯

魏劉類歷位宰守苛慝尤甚以善修人事不廢於世為弘農太守吏民患之舊俗民謗官長者有三不肯謂遷免與死者也至是人題其門曰劉府君三不肯類雖聞之猶不能自改

三不辜

楚郤宛直而和國人說之費無極比而惡之令尹子常賄而信讒無極譖郤宛焉盡滅郤氏之族黨殺陽令終

與其弟完及他與晉陳及其子弟沈尹戌言於子常曰
仁者殺人以掩謗猶弗為今吾子殺人以興謗而弗圖
不亦異乎今殺三不辜以興大謗幾及子矣註云三不
辜謂郤氏陽氏晉陳氏

萬事休

五代荆南高保勉季興之幼子也季興鍾愛尤深季興
或因事盛怒左右不敢竊視唯保勉一見則其怒自解
故荆人目之萬事休

安穩朝

唐楊德裔拜御史中丞性遲澹嘗因朝會舞舉袖舒回發聲遲緩久而不輟列侍相顧忍笑不禁西臺舍人杜範固號為安穩朝

三短

後魏李諧使梁諧既見及出梁武目送之謂左右曰朕今日遇勍敵卿輩常言北間都無人物此等何處來諧為人短小六指因癭而舉顧因跛而緩步因蹇而徐言

人言李諧善用三短

三反

劉實謂王肅方於事上而好下佞已此一反也性嗜榮貴而不求苟合此二反也恠惜財物而治身不穢此三反也

三癖翁

唐湖州崔郎中以三癖詩寄劉禹錫自言癖於詩與琴酒其辭逸而高禹錫以詩答之曰視事畫屏中自稱三

癖翁

詩癖

梁簡文帝雅好賦詩其自序云七歲有詩癖長而不倦

馬癖

則二

晉王濟字武子善解馬性又甚愛之常乘一馬著連乾
郭泥前有水終不肯渡濟曰此必是惜郭泥使人解去
便渡杜預謂濟有馬癖

唐老杜驄馬行云鄧公馬癖人共知初得花驄大宛種

謂李鄧公云

錢癖

晉和嶠家產豐富擬於王者然性至吝以是獲譏於世
杜預謂嶠有錢癖

睡王

五代契丹主迷律年少好遊戲畋獵不親國事每夜酣
飲達旦乃寐日中方起國人謂之睡王

睡相

偽蜀徐光溥事孟昶至中書侍郎平章事昶好度僧而
光溥以為無益遇事便發毋昭裔李昊嫉之後有議論
但熟睡而已時號睡相

歇後鄭五

唐鄭綮每以詩謠託諷中人有誦之天子前者昭宗意
其有所蘊未盡因有司上班簿遂署其側曰鄭綮可禮
部侍郎同中書門下平章事綮本善詩其語多似刺時
故使落調世號鄭五歇後體俄聞制下宗戚詣慶搔首

曰歇後鄭五作宰相事可知矣

嘯嘯翁

唐李補闕林宗杜殿中牧與白公輦下較文具言元白詩體舛雜而為清苦者見嗤因茲有恨白為河南尹李為河陽令道上相遇尹乃乘馬令則肩輿似垂趨事之禮常謂樂天為嘯嘯翁聞者笑之樂天之名稍減矣白尹曰李君吾之獠子也其鋒不可當

按舊唐書竇鞏傳白居易以鞏不能

持論亦目為嘯嘯翁

